

## KYNNING Á VETRARSTARFI HAUST 2019

Í vetur verða 22 barn á deildinni 17. fædd árið 2014 og 5 börn fædd 2015.

Starfsfólk og vinnutímar

- Olla vinnur 8:00-16:00 nema mánudaga hættir þá kl 13
- Kidda vinnur 9:00-14:00 alla daga
- Fríða Rún vinnur 8:00-14:30 alla daga
- Sigpór mun sjá um að opna deildina í vetur.
- Áslaug verður hjá okkur á deild frá kl 14:00-16:00

Sérkennsluteymi: Í vetur förum við af stað með nýtt fyrirkomulag á sérkennslu í skólanum. Þar sem þeir kennarar sem sinna sérkennslu mynda teymi, vinnur svo þvert á deildir. Þannig vonum við að allir njóta fjölbreytta kennsluaðferða og að sérkennslan nýtist sem best þar sem þörfin er mest hverju sinni. Í sérkennsluteyminu eru: Gulla sérkennslustjóri, Helga Ósk, Linda og Katý.

Lesleikur- byggjum við uppá bókinni *Lubbi finnur málbein*. Farið er yfir 2 máhljóð í viku, þau rædd og æfð og síðan æfum við okkur einnig að skrifa bókstafina. Börnin fá síðan að spreyta sig á hinum ýmsu lestrarhvetjandi verkefnum sem sett eru upp í stöðvavinnu.

Stærðfræðileikur- vinnum með stærðfræðitengd verkefni og leikum með dót sem eflir talnaskilning. Veturinn 2016-2017 voru við þátttakendur í þróunarverkefni þar sem verið var að þýða og staðfæra norskt námsefni sem kallast Mio og er notað til að kanna þekkingu barna á hinum ýmsu stærðfræði hugtökum. Með því er auðvelt að sjá hvar barnið er stöð og þá auðveldar að styðja betur við þá sem það þurfa.

Söngvaflóð – samstarf milli tónlistarskólans á Akureyri og allra leik- og grunnskóla bæjarins. Lögð eru inn lög í hverri viku og þau æfð markvist og við fáum til okkar kennar frá tónlistarskólanum einu sinni í viku. Heimasíða verkefnisins má finna hér: <http://www.tonak.is/is/tonaflod>

Þemavinna – Veljum okkur þemaverkefni í samráði við börnin og þeirra áhugasvið. Ásamt því að vinna árstíðartengd verkefni og verkefni sem fara í möppur barnana

Listasmiðja – Unnið að hinum ýmsu listverkefnum og föndri. Lögð áhersla á að prófa mismunandi aðferðir þannig að börnin kynnist með flestum möguleikum í listsköpunar. Verkefni munu einnig tengjast því þema sem við erum að vinna með hverju sinni.

Samstarf skólastiga - Við erum í góðu samstarfi við Lundarskóla. 1. bekkur kemur í heimsóknir til okkar og síðar förum við í heimsókn til þeirra. Inn í þessu samstarfi eru líka heimsóknir 6. bekkjar til okkar þar sem þau koma og lesa fyrir okkur reglulega yfir veturinn. Í vor koma þau síðan í heimsókn og þá eru mynduð vinapör þar sem

tilgangurinn er að börnin þekki einhvern eldri í grunnskólanum þegar þangað kemur næskomandi haust.

Hreyfistund- Börnin fá að fara í hreyfistund í salnum annan hvorn fimmtudag. Þar eru settar upp allskonar þrautabrautir til að æfa styrk og þor. Einnig er farið í leiki þar sem þarf að æfa sig í að fylgja fyrirmælum og reglum. Stundirnar enda síðan á slökun eða jóga.

Póstkassinn – Í póstkassan okkar viljum við gjarnan fá bréf að heiman. Þegar bréfið er lesið fær barnið að standa upp fyrir framan hópinn og ef myndir eða teikningar fylgja sýnir barnið hinum börnunum. Þetta æfir barnið í að koma fram fyrir hóp og skapar oft skemmtilegar umræður. Bréfið er síðan sett í möppu barnsins

Hljóm2 - er greiningartæki, aldursbundin skimun sem er lögð fyrir til að meta hljóðkerfis- og málmeðvitund barna í elsta árgangi leikskólans í því skyni að greina þau börn sem eru í áhættu fyrir síðari lestrarerfiðleika. Skimunin er lögð fyrir í október. Ef niðurstöðurnar eru slakar, þá vinnum við sérstaklega með það barn í samvinnu við Gullu sérkennslustjóra. Fyrir þessi börn er prófið lagt fyrir aftur í janúar/febrúar.

Uppákomudagar er alltaf á föstudögum þá brjótum við upp daginn með einhverjum skemmtilegu. Suma uppákomu dagar er í boði fyrir börnin að koma með hluti að heiman og þá er það vel auglýst í fataherbergi og einning minnt á í föstudagspóstum. Minnum einnig á að muna að merkja hlutina sem koma að heiman.

SMT er styðjandi skólafærni sem við erum að vinna að hérna í leikskólanum, við leggjum inn reglur í hverjum mánuði fyrir svæði leikskólans. Börn fá bros fyrir jákvæða hegðun og fara eftir reglum og þegar búið er að fylla spjaldið okkar að hafa umbun sem börnin hafa valið.

Við leggjum mikið upp úr umhverfismennt. Við reynum að nýta verðlaust efni sem mest og endurvinna/endurnýta hluti. Við ýtum undir að þau læri að fara vel með þann efnivið sem við erum með. Við flokkum reglulega með þeim og hugum að matarsóun auk þess sem við förum og kynnumst umhverfinu okkar, hreinsum til í kringum okkur.

Stig af stigi – Er námsefni fyrir 4.ára börn þar sem unnið er með tilfinningaþroska og tilfinningalæsi barnanna. Yngri árgangurinn verður í stig af stigi stund á mánudögum og einnig reynum við að ná upprifjun fyrir allan hópinn í samverum vikulega.

Val- Eftir hádegi erum við yfirleitt í vali. Börnin fá að skiptast á að vera valstjórar og sjá þá um að bjóða hinum börnum að velja. Í vali er alltaf annað hvort í boði útvera eða borðleikir uppi í listasmiðju til að gefa meira næði í leiki niðrá Furuholti.

Karellen: Við höfum unnið með Karellen kerfið frá byrjun árs 2019. Þar inni skráum við mætingu barnana, þið sjálf getið merkt þar inn ef barnið ykkar er veikt eða í fríi. Þar inn setjum við ljósmyndir úr starfinu og auðvelt er að senda stutt skilaboð á milli foreldra og deildar. Við hvetjum ykkur eindregið til að nota kerfið ef þið eruð ekki byrjuð á því nú þegar. Auðvelt er að ná í smáforritið í annað hvort apple store eða play store. En til að virkja aðgangi í fyrsta skipti þarf að fara inná vefsíðuna karellen.is

## Foreldraviðtöl

Foreldraviðtöl eru 2x á ári, núna í október hittumst við og ræðum hvernig barninu líður í leikskólanum og heyrum í ykkur hvað ykkur liggur á hjarta varðandi leikskóladvöl barnsins. Í maí hittumst við aftur og förum með ykkur yfir upplýsingar sem við gefum í grunnskólana fyrir eldri árgangin og hefðbundið vorsamtal við yngri árgang. Að sjálfsgöðu er alltaf í boði að biðja um viðtal hvort sem það er við deildarstjóra eða hópstjóra, ef það er eitthvað sem ykkur liggur á hjarta.

## Hagnýt atriði

- Merkja föt – Gott að merkja öll föt, er síður að þau fari á flakk ef þau er vel merkt.
- Láta vita ef barn er veikt eða í fríi.
- Láta einnig vita ef einhver annar en foreldrar koma og sækja barnið.
- Láta vita af breytingum í lífi barnsins- flutningar, fjarvera foreldra, dauðsfall í fjölskyldu og annað í þá veru sem getur haft áhrif á líðan barnsins er nauðsynlegt fyrir okkur að fá að vita.
- Hliðið inná leikskólalóðina- biðjum ykkur að leyfa börnum ekki að opna hlið inná leikskólalóðina sjálf. Getur verið erfitt fyrir börnin að greina á milli, að þau megi opna það sjálf þegar þau koma eða eru sótt en megi það ekki þegar þau eru í útiveru. Þannig höfum einfaldlega regluna, fullorðnir opna hliðið
- Þegar barn er sótt í útiveru, passa að starfsmaður sjái ykkur fara og ef engin starfsmaður á okkar deild er sjáanlegur biðja þá aðra starfsmenn að koma því til skila til okkar.
- Taka blaut föt heim í lok dags.
- Skipulagt starf byrjar kl 9:00, hópastartímar og annað skipulagt starf byrjar klukkan 9 á morgnana og biðjum ykkur því að hafa í huga að börnin missa tölvvert úr ef þau eru oft að koma í leikskólann eftir þann tíma.
- Afmælisboð – við viljum ekki fá afmælisboðskort í hólfi barnana nema ef öll á deildinni er boðið. En erum allar að vilja gerðar til að aðstoða ykkur um heimilisföng eða símanúmer til að koma afmælisboðum til skila.
- Bækur velkomnar – í boði er að koma með bækur alla daga í leikskólann.
- Börnin eiga flest að eiga taupoka sem þau fengu í byrjun leikskólagöngunnar, endilega hafið þessa poka í hólfi barnana undir blaut föt því við viljum gjarnan hafa plastpoka notkun í algeru lágmarki.
- Biðjum ykkur að virða vistunartíma barnana ykkar, þar að segja að þau séu bæði sótt á réttum tíma og einnig þau séu ekki mætt fyrir sinn vistunartíma. Í einstaka tilfellum er ekkert mál að koma til móts við ykkur ef upp koma aðstæður þar sem þið þurfið nokkrar mínútur til eða frá en þá er nauðsynlegt að ræða það við okkur fyrirfram.